

Newspaper	UTUSAN MALAYSIA
Date	19 JUNE 2017

Terapkan mesej tolak gengsterisme dan buli melalui karya kreatif

Anak seni bantu kerajaan

Um-19/6/2017 Pg.3

Oleh SHARAIMEI SHAIK
AHMEDULLAH dan JUANI MUNIR
ABU BAKAR

pengarang@utusan.com.my

■ PUTRAJAYA 18 JUN

DATUK Seri Najib Tun Razak menyeru penggiat seni dan karyawan membantu kerajaan dalam menyampaikannya mesej menolak budaya gengsterisme dan buli dalam kalangan masyarakat yang dilihat semakin menjadi-jadi sejak kebelakangan ini.

Perdana Menteri berkata, sebagai golongan yang berpengaruh, penggiat seni dan

karyawan boleh memainkan peranan mereka melalui penghasilan karya kreatif bagi menanam nilai-nilai kemanusiaan kepada masyarakat.

“Baru-baru ini, isu gengsterisme dan buli menjadi perhatian utama dalam negara, justeru itu saya berharap penggiat seni boleh memainkan peranan dalam menanam nilai kemanusiaan yang lebih mulia dalam masyarakat.

“Mesej ini boleh diterapkan dalam pelbagai penghasilan, kerjasama dan perkongsian ini diharapkan dapat memupuk mesej antara kerajaan dan penggiat seni dalam melahirkan

masyarakat baharu berpandangan aspirasi Transformasi Nasional 2050 (TN50),” katanya ketika berucap dalam Majlis Berbuka Puasa Bersama Perdana Menteri dan isteri, Datin Seri Rosmah Mansor di Seri Perdana di sini hari ini.

Lebih 2,000 penggiat seni yang terdiri daripada sasterawan, karyawan, seniman, budayawan dan penyiar diraikan dalam majlis berkenaan.

Baru-baru ini, negara dikejutkan dengan kes buli yang melibatkan seorang penuntut Universiti Pertahanan Nasional Malaysia (UPNM), Zulfarhan Osman Zulkarnain dan remaja,

T. Nhaveen, 18 sehingga menyebabkan kematian mereka.

Dalam pada itu, Perdana Menteri turut mengumumkan tajaan untuk mengerjakan umrah kepada golongan seni terutamanya yang belum berkesempatan menunaikan ibadah itu dan kurang berkemampuan.

Mengulas lanjut, Najib turut mengumumkan Kementerian Kesejahteraan Bandar, Perumahan dan Kerajaan Tempatan bersejajarnya menyediakan kuota khas kepada penggiat seni bagi mendapatkan kemudahan memiliki rumah di bawah program perumahan rakyat (PPR) di Simpang Dua dan Kepong, Selangor.